
Wahlschien mit Nakieksel

IN D' LUUR

Karin Böhmer

redaktion@on-online.de



Well kennt dat Leed „MfG“? Daar spotten „Die fantastischen Vier“ över all de Bookstaben-Riegen, de för wat stahn, wat anners to lang weer, um dat uttoproten. ZDF, DFB, DDR, BMX und XTC sünd en paar van de Bispillen. Hest tolest vergeten, för welke Woorden de Bookstaven stahn. De Parteien worden ok mest mit dree Letters ofkört. Man se worden alltied mehr. Is lang nich mehr blot SPD, CDU und FDP. Nu stahn up de Wahlzedels in d' Kreis Auerk ok AWG, BfB, UWG, SEW, FWG, BWG, GfA, SBL un 'n heel Bült mehr. Man good, dat ok d'rbisteiht, wat de Letters bedüden, anners muss 'n Nakieksel mit in d' Wahlhuck. Man of elkeen weet, wat d'rachter sitt, steiht up en anner Blatt.